

嚴州府志卷

十三遺愛下
十四武備續增附

地240.23
139.1
:10

地234.19
138
:10

嚴州府志卷十三

國朝

嚴州府

知府

吳興宗字振公遼東清河人順治九年任廉介有守
首建平理堂郡治改觀時閩海未靖王師進勦嚴
當孔道絡繹如織一切軍需預爲措辦民賴安堵
至絕科派杜饋遺豪貴歛跡稱循吏云

梁浩然字培元山東濱州人由縣令歷陞郡守仁慈
廉介所至有聲下車以振興文教變化風俗爲先

嚴州府志

卷十三 遺愛

一

修葺宮墻訓課士子慤慤不倦恒單騎勸農作十
六勸詞并書忠忍二字刊布民間聽斷明決有爭
訟者隨牒立讞一掃請囑之習在任七年督撫交
薦卓異康熙甲寅值閩逆軍興旁午勞瘁致疾尋
陞甯紹分廵道甫任卒士民感慕請祀名宦

陳于廷字憲章盛京瀋陽人康熙十三年任時劇寇
韓六等嘯聚瀉壽山中廷至時當歲除卽詣瀉邑
躬行招撫盡降之郡庠明倫堂圯捐貲重建又郡
之城隍廟歲久頽敝復大加修葺濬隙地爲池跨
橋于其上撤土墻而堵以磚爲永久計治尚簡靜



飲冰自勵政績尤著云

任風厚陝西臨潼人拔貢康熙十六年任潔已率屬聽斷明敏尤注意學校鼎新大成殿東西廡櫺星諸門時民完糧率由櫃書投納公數弔驗櫃數吏莫敢奸禮聘遂安進士毛際可纂修郡志藁本已定因辦軍需絡繹未及付梓後擢去士民立碑志思焉

江濯字黃海徽州歙縣人康熙三十三年任性廉靜政尚慈愛時東西二湖淤塞科第不振濯卽捐俸開濬引之西流重建大堂顏曰正率立義塚于武定門外尋以憂去

嚴州府志

卷十三

遺愛

二

王光鼎字吉鉉奉天人康熙三十五年任數有異政明年亢旱鼎步禱烏龍山遂遘疾雖在牀第猶日夜叩天爲民請命不休疾篤闔城士民齊赴城隍祠禱求均願以身代及卒郡城罷市巷哭者三日託言降嚴州之堂士民爲肖像立祠祀之比于羅池廟云至今旱禱無不輒驗

蔣申錫順天人康熙三十七年任甯下車卽修義學延宿儒訓迪肄業者月繼其粟且分甲乙以示鼓勵三十八年水溢男婦漂泊申錫命舟撈至府堂

城隍廟內賑之有升屋避水不能舉火者悉載粥以給郡學被淹坍塌復整新之尋以憂去士民思之不置

王廣益字受州江南金壇人康熙五十四年任持己廉介率屬嚴整教民以農桑課士以實行明年兩遭洪水文廟宮牆頽圯廣益悉易以磚他若嚴陵祠城隍廟竹閣皆次第整葺之後以憂去士民有送至金壇者

吳昌祚字爾熾三韓人康熙五十八年任以振興文教爲先創文淵書院建雲路亭修三賢祠建官廳置義塚逐一經理靡不盡善後丁內艱士民赴大吏挽留題請在任守制服闋陞臺灣道

蔣林字元楚廣西全州人雍正八年由翰林出知府事剛斷廉正力除奸弊便民順庄革除里遞雜派重新試館更拓舍宇至今士民誦之

周範蓮字敦白號萼君蘇州人乾隆元年由翰林出知府事器宇風雅政事和平尤加意學校五年元旦桐邑災沿及數百戶蓮卽赴桐賑恤是歲郡城張燈有武弁某毆梨園鞭民人合郡誼閨蓮自桐城歸親行勸諭民皆安息尋調紹興士民碑之志

去思

富紳字

正藍旗人乾隆五年任性稟醕厚實意

撫民每聽訟有古蒲鞭風甲子秋洪水躬行賑恤
詳請免賦建涪桐之民賴以全活又捐俸修烏龍
廟尊崇祀典云

同知

戈時雍字起予直隸景州人以明經授福建永安令
防海著績陞嚴州同知持躬謹慎待人寬厚郡多
虎患一時捕獲者三有涪寇方珍嘯聚設計捕之
屢署郡邑篆一塵不染尋陞揚州知府

嚴州府志

卷十三

遺愛

四

甘國奎號鶴野正藍旗人康熙五十年任有才畧雅
好經史攝建德篆值大造編審丁口亦有惠政云
通判

王燕徵字次翁北直清苑人由拔貢順治十三年任
閒靜愷摯推誠及物經歲不聞敲朴聲厯署涪遂
壽篆頌聲載道兩次代覲一役追隨行李蕭然秩
滿陞湖廣荊州府同知

王興禹廣甯人由官生康熙九年任居官廉靜平易
近人有時俸入不給泊如也值閩逆奉檄贊畫軍
前勞績特著擢金華府同知去民謳思之

推官

侯良翰字筠菴河南蘭陽人由進士授司李廉明寬厚片言折獄且優禮士類甲午分校文武兩闈尋攝府篆屏絕苞苴吏畏民懷陞刑部主政轉廣東督學僉事

高凌雲字天木揚州人由進士授司李處事精詳而慈惠可親時各郡節推例值季會城凡欽件大案隨至隨給多所平反後奉裁去士民攀轅者以千計勒石頌德焉

教授

嚴州府志

卷十三

遺愛

五

邵嘉字令儒富陽人由進士署郡庠教授以師道自立修葺學宮獎掖士類一時沐其教化者如在春風中尤加惠貧寒後陞助教厯官鴻臚寺卿

朱進嘉興人康熙二十年任性耿介舉動端方課士先實行次文章每丁祭俎豆必手盥尋卒祀名宦張晟嘉興人康熙四十五年任剛毅廉正笑言不苟諸生有私謁者拒勿見寒士具贄者力却之且周急焉尋陞太原令士不忍別

訓導

丁允儒字潛芷杭州人以宿學司訓郡庠士執經問

業者多方啓迪貧寒具贄悉却勿受士人咸敬愛之擢巴陵知縣

唐烝山陰人康熙二十四年任性坦易循循善誘倡建奎閣以培文風子曾述亦成名進士

照磨

陳一道字念曾湖廣人以進士授河南合坐催科註誤謫嚴州照磨才品優長操履端潔抗嚴道范印心極重之然絕無干請惟詩酒卉木自娛畫精蘭竹人珍之如夏仲昭卒于官紳士助櫬而歸

建德縣

嚴州府志

卷十三

遺愛

六

知縣

鄭應臯字允生無錫人進士順治五年任時值兵燹之後田廬荒廢商賈不通斗米五錢物價過倍又防兵初設強任民家臯至力請之郡大夫析城東隅爲營房由是兵民安所又建學宮課文育士一時文教復興秩滿陞戶部主事

項一經字韋菴漢陽人由進士令建邑前明萬厯間定冊後版籍淆亂時值編審照號查田計數如額至修學宮創書院課士勸農遇歲荒疫施藥賑饑尤不可殫述繼于耿逆之擾一切軍需經營悉當

以薦擢吏部主事戊午典試浙闈再過嚴陵士民擁視稱慶

夏景松字子和盛京人康熙十三年任時滿漢進勦大兵絡繹景松年少英敏單騎偵察兵皆歛戢催科盡善終歲不聞追呼聲復修葺學宮加惠寒士諸所措施有古循吏風在任五年擢監察御史

徐京哲安義人康熙三十四年任清正平易愛民如子尋以憂去民欲歛賻不許遂各具一簋焚香拜送觀者如堵後復肖像祀之

璩廷祐河南人進士康熙三十六年任政尚清簡書

嚴州府志

卷十三

遺愛

七

吏有愬貧者則曰再待豐年尋陞監察御史民至今思之

薛景珏字佩玉四川人舉人康熙五十一年任明敏強幹不爲已甚間有聽訟不協輿論者卽爲覆訊改正在任十七載人情洞悉官民相洽調繁烏程別時民若失慈父焉

縣丞

羅曜斗歙縣人順治十二年由明經授建德丞秉性敦樸與物無忤有雀角者善言勸諭不事苛求人以長者稱之秩滿陞灤城知縣再陞德州知州

劉環字賜玉湖廣人由進士任隴西知縣謫建德丞才大性剛不爲物撓抵任甫月奉委至四明督造戰船備嘗艱苦後陞涇縣知縣

教諭

稽爾勲字以謙德清人康熙初由舉人任時學宮傾圮力同邑侯修葺煥然復舊訓文以先正爲法屏居一室中呶唔之聲不絕郡守梁浩然甚優禮焉卒于官士林惜之

李用勤字蒼帽由舉人康熙十六年任平易誠愷有古君子風執業問藝者細心剖晰善誘不倦遇苦

嚴州府志

卷十三 遺

八

志貧窶諸生捐俸以給其薪水焉勤爲縉雲望族兩司寇恭愨貞肅之裔然謙抑善下絕口不齒家世性喜吟咏有誰亭稿客星吟行世卒于官紳士咸哀慟之

張天翼海甯人雍正六年以進士任醴謹端方留心學校蒞任後奉委董修試館勤勞任事院司嘉獎以陞任去

訓導

錢繼煜定海人順治十一年任性介而和不喜紛華尤軫恤寒士春秋祭胙不敷頒發捐俸益之或至

典衣士子傳頌焉

朱爾銓岷縣人順治十八年任學行醅正以師道自立鄙近日擁臯比者較量鎔銖獨持大體尋以缺裁去任

典史

劉源河南人性平和不立圭角每委下鄉雖婦女兒童亦有喜色在任十餘年以病歸士庶各劇錢爲贈臨行餞別埒于陞令云

瀋安縣

知縣

嚴州府志

卷十三

遺愛

九

史可證字印心山西人由舉人順治三年任時方鼎革撫民悉從寬政尤振興文學次年八月一日天目窮寇乘虛焚掠瀋無城堞兼撤防兵賊縱火燬縣治證嘆曰吾以身殉耳命子瀋避之瀋曰爲臣死忠爲子死孝遂皆遇害忠孝出于一門應錄其事以俟後之表揚者

謝良琦字獻菴全州人順治年任才具英敏優于治理創建縣堂厥績宏鉅著有醉白堂文集行世

張一魁字梅菴遼東人順治十年任時大兵過嚴瀋派解夫三千道死者相籍魁至衢白大帥悉令放

還歲大祲煮粥賑全活甚衆尋遷晉州守瀆民思之

趙之鼎字愛周蒲城人順治十八年任爲人嚴整有丰裁吏胥畏憚時奉丈量區畫精確又捐修朱文公及名宦鄉賢三祠分校文武兩闈咸稱得人以卓異陞監察御史累官刑部侍郎

趙世楨字衡園澤州人由舉人康熙九年任治尚寬簡恤民愛士到任甫數月以憂去

于棟如字隆九金壇人由進士康熙十九年任溫文爾雅才名卓絕甫至卽葺學宮勤月課催科折獄

嚴州府志

卷十三

遺愛

十

悉協輿情民甚思之

胡就臣字君霖監利人以舉人中順治戊戌會試副榜授涪令至卽新魁星樓尊經閣置義塚復姜孝子墓與學博陳斐孟士模修葺縣志會尚方採木憲檄旁午凡有關居民墳墓者臣必護持之去後士民思之俎豆于菁莪祠

杜繼美北直棗強人仁心爲質幹辦有才公餘輒以筆墨自怡廟壇祠宇必加修葺至今見其遺翰猶呼杜母焉

劉澁湖廣潛山人虛懷接士實心勤民初肄業國學

時聞周六雲名至卽在車騎訪之餽米肉凡七載無間遇歲旱焚香露頂步龍山禱之雨立至匝月而病暑遂不起至今父老述之猶泣下沾襟也米調元湖廣人由進士授分水令來署漕幕中不延一友舊案山積剖決如流半歲中出冤獄不可計南河舊有浮橋壞經數十年行人病涉元修之較前加廣人號爲米公橋瓜期將代士民卧轍弗克留爲立祠于南山下

楊廷傑字倡九通海人由舉人授瘴痢州學正陞漕安令甫下車卽雪邵魯氏毒夫冤獄有游棍張松

者僞傳親王令旨採辦過境索夫馬供億傑窮其奸卽命擒械省城論如律其決獄能察人眉睫間以得之居一年訟庭虛無人邑戶籍蒙溷歷年多積逋傑爲立滾簿注的名奏銷嘗先諸邑捐俸于學宮射圃中創義學復建鄉約所于邑西在任八年擢蓬州知州去士民祠之南山下

侯學修營山人由孝廉任廣文擢漕令春秋釋奠必齋宿蒞祭時非諸生執事不得入觀禮者肅然隨任子若孫未見有衣裘帛者雞初鳴盥漱冠帶入省慈闈進膳弗假臧婢高堂之奉潔以豐以下皆

粗糲餐也性敏斷窮奸宄不遺餘力人莫敢售欺
邑人頌之爲神君

楊克慧字谷山忻州人進士由平湖調任澹安爲人
勤慎廉明視事時諸鈐下侍立如木人不敢偶語
舞弊邑故多浮稅重爲民困慧曰朝廷有祿以馭
富又加以養廉謹身節用卽弊著不盡何必復以
此誣下罔上爲于是核實許民自陳以便開豁事
方經始會以平湖前任事罷接篆者踵成之皆慧
力也

嚴州府志

卷十三

遺愛

十三

王仕源清苑人由孝廉擢澹令性敏有幹才建龍王
廟于南山麓便民祈禱修浮橋通往來香爐石下
灘石如齒狀浪作多覆舟源爲築官塘新安江水
北流至今慶安瀾焉

姚夢鯉廣東人由進士令澹謙退下士不輕置人于
刑有重囚務嚴鞫者涕泣道之囚亦輸情不諱善
古文詞有集八卷

田長文高平人進士由鎮海令改授澹令稜稜有風
力人不敢干以私有刺謁者必賓館羅列隸卒乃
一見初蒞事鄉民操土音問由胥吏轉達文拂然
曰招稿具在我不辨音詎不識字耶叱退之一日

鞫囚囚引律相抵文曰此必猶吏教也訊之果然
尋卒於官

錢人麟武進人由鄉舉試用兩浙吏才精幹大府器
之會漕令老病檄委協辦未浹歲頌聲翕然嘗語
諸生曰秀才要經濟不得止靠時文生活也漕士
多賴造就云

李其昌龍巖人雍正十一年由進士署漕篆以振興
文教爲已任每朔望設酒食課士學海堂做汝南
月旦之評拔其尤者獎之貧不能支者割俸以飲
其膏火爲壬子同考官積學宿儒出其門下後以

調任去

劉希洙字聖脈蒲城人由孝廉乾隆壬戌年任樸直
無文實心撫字甲子大水民居田里強半爲巨浸
洙號痛馳省請啓帑庾假以便宜存活者不可數
計旋築北岸西門兩堤修浮橋後一年予告歸里
教諭

馮紹元慈谿人順治八年任端方不苟自奉清苦出
貲建明倫堂士人稱之

徐元燦字韋庵海甯人順治十年任雅擅文名引掖
不倦登順治乙未進士授庶常去

陳明彥錢塘人由舉人康熙六年任文行端方勤督
士子嗣陞教授去

陳棐字爾淵仁和人至卽重建兩廡康熙癸亥纂修
通志郡邑皆開館編輯邑令胡就臣遂以乘事委
之與司訓孟士模纂新續舊迄今七十餘載考遺
事者賴焉

陳訃字言揚海甯人以歲貢授溇諭博學多能言有
本末在任十八載諸生經其品題便作佳士公之
伯仲歷陟崇階顧絕弗以門第自高絳帳談經泊
如也

屠永齡字舜年秀水人由舉人司溇鐸冷署中詩酒
自娛諸生晉謁輒具一觴相屬刻燭賦詩無倦容
亦未聞有江淹才盡時也以病乞休有詩若干卷
成廷楫字桂舟錢塘人由舉人授溇諭訓士之暇慨
然以修舉廢墜爲任學宮榱崩棟折楫爲設法鼎
新之有碑記其事春秋釋奠必躬滌祭器日詣大
成殿掃地焚香寒暑弗輟亦弗資力斗胥也工爲
詩有大秀山人集幾滿百卷

盛支炳字虎文嘉興人雍正甲辰鄉舉由保舉先授
蒙城令繼以穎上令改溇諭文章書法直追歐蘇

其醉筆戲墨一時得之以爲珍藏比之鄭虔三絕云未三載卒于署

沈廷桂字幔亭德清人由舉人任門下士接見問無恙外卽以進修相勗或干以私輒面拒之學使者中年考校事竣例舉優行士應令桂曰是鄉舉里選遺意也慎重咨訪必得其人乃報在任五年以老乞休予告矣諸生爭留館之居學舍東偏訓迪邑士子凡浹歲乃歸

訓導

虞世愷鄞縣人順治十二年任樸茂有學纂修縣志

嚴州府志

卷十三

遺愛

五

人服其淹博焉

陳使新海鹽人康熙十六年任氣宇淵穆大雅不凡未幾以憂去溧士慕之

孟士模字梅峯會稽人與修縣志文省事詳筆削之力居多其重修啓聖祠也有記修魁星樓也有引蓋毅然以文教自任者以憂去

鮑楹字覺庭餘杭人由副榜司溧安訓振興文學善書法尤精于詩溧邑故多詩人楹力事搜羅得不傳者三十九人緝其遺稿總題曰青溪詩集復次小傳以冠篇端捐俸刊布秀水朱太史竹垞亟稱

之以入明詩綜焉康熙丙子舉于鄉後爲宜興令卒于官有集若干卷

鮑櫛前司訓覺庭弟也相繼來溇有大小馮君之目工草書評者以爲得張旭之遺云

朱士濂字淡若秀水人器宇深沉訓士有方每日亭午招諸生立堂下講四書至晡不休闡發義蘊致有根據執經生屢滿戶外初司訓者居魁樓下多致褻嫚濂相樓後隙地謀于諸生方正宗等建學舍五間後來者獲甯宇焉卒于署

汪昌舉字自西開化人性慷慨不拘小節遇貧窘多方周恤力不能任卽質錢與之時有病卧學舍旁者舉親啖飲食資以藥餌濬泮池修古廟來溇五載未嘗留一杖頭錢也卒于官貧無以殮士民厚賻歸葬焉

遂安縣

知縣

周光啓字晦菴太平人太常怡近裔也由鄉舉康熙十九年任服食菲薄治崇清簡正賦外不取羨餘杜苞苴抑刁訟人莫敢干以私期年卒于官貧無以殮士民厚賻以歸

何偉字五峯遼陽人由蔭生康熙二十三年任才具敏達愛士恤民尤振興文教自閩變後大成殿傾圮偉捐俸重修并兩廡耐祭諸祠辛未編審加意勘查斟酌盡善在任十五年陞去民至今德之王錫年字喬封洽陽人進士雍正六年任性嚴重衣冠行止有居敬功遂例歲有額規百餘兩年至悉罷之官署如冰胥吏豪蠹者皆斂跡焉戊申夏旱步禱馬沂龍王廟廟距城十里時夜半黑虎當道從者驚恐年前行虎搖尾而去翼日靈雨滂沱四野霑足

嚴州府志

卷十三

遺愛

七

壽昌縣

知縣

王開基字肇岐諸城人順治三年任性清介精明出之渾厚時兵燹後百姓避匿山谷間基悉招徠之尋陞工部主事

董琪字章含嵩縣人順治七年任精明幹練政舉弊除歲旱步禱甘雨立沛是冬寇聚西界出奇兵勝之浙右倚以安輯在任三年未聞罰民一錢尋陞德安府同知

杜桂盧氏人康熙二年以進士任民故多逋賦前令

羈滯者三人桂至代爲補額三合脫然而歸在任寬恤緩征輸賦卒如其額修葺學宮藹然接士而釐奸剔蠹不少假貸報最行取士民攀轅志不忘云

羅在位字景菴廣甯人康熙九年任下車卽訪父老疾苦歲饑賑撫力請蠲恤他如修學築堰施藥禳災善政纍纍會有閩氛芻蕘糗刻時力辦尋擢中城兵馬司士民思之

張文達字燦區灤州人康熙十七年由舉人任時三衢重鎮饋餉日煩達與民節省撫育惟勤造士尤力又西城溪水齧堤漸及城垣架木壘石以障之尋陞同知去

曾華蓋字文垣揭陽人康熙二十一年以進士任甫至卽修邑乘建尊經閣遇歲旱躬禱巖山呼吸得雨嘗榜于四門曰斗大山城凋殘已極百姓方有瘡待補縣令並無豐可抽尋擢吏部文選司主事李元彛字漢九永平人康熙二十四年任居官清慎革陋規節諸費歲旱步禱往返數里四十五日無倦容病暑卒于官年甫二十三邑人祀於城隍廟之右

田龔商揚州人康熙二十六年任甫入境卽云此邑風氣樸厚可不嚴而治有訟于庭者諭遣之建先春亭于東郊謂迎春大禮所關且及瓜而代新舊令相見于此居官宜思解組時去之日民爲卧轍許必可字澄溪宣化人康熙二十八年任初從一僕襤被之官人不知爲新令尹也謁文廟見明倫堂傾圯可卽捐俸修葺會行編審可屬民詣城隍廟令自實其賦編爲圖籍賦役遂均去之日惟圖書藥籠而已

吳煜字秋曜大城人由舉人康熙四十二年任邑例

嚴州府志

卷十三 遺愛

九

陋規悉却之諸生以文就正者講授不遺餘力有冤獄者力白之戊子分校浙闈所取皆知名士尋以老致仕

楊正筍石屏州人雍正四年以舉人任邑戶籍蒙混科徵多積逋正筍詳請歸挂一洗舊弊其法以册列通邑田畝編號註明業主姓名名曰流水康熙間羅在位嘗行之然仍以詭名註冊未若此之痼弊廓清也役起于雍正五年越四載而竣尋調慈谿陞滁州知州

單鈺字亦聲易州人由進士雍正十二年任邑有墾

荒田千餘畝例當陞科銓請豁除爲政和平簡易
不以武健繩人修學宮兩廡設義學時集青衿課
藝親爲指授工吟咏與能詩者倡酬風流四映乾
隆丙辰戊午辛酉三次分校浙闈時號得人擢溫
州玉環同知

教諭

陶鑄字子固烏程人順治十三年以舉人任嚴氣正
性嘖笑不苟多士望風凜然爲文落筆千言不事
藻采問業者屢常滿戶外

訓導

嚴州府志

卷十三

遺愛

二十

金式玉字藍珂平湖人弱冠貢禮部順治三年任日
與諸生分題角藝呶唔之聲不絕口承指授者爲
文皆有法度辛卯中式己亥成進士未幾卒士人
惜之

張熙錢塘人康熙七年任邑向有儒戶士籍之逋賦
者輒遭詈辱熙至士風爲之急公力辨十三年與
修縣志會土寇猖獗倉皇失篆遂罷官

桐廬縣

知縣

馬象麟字青藜三水人進士康熙九年任慎編審加

意蠲賑十三年調任去

薛景瑩四川人康熙三十年任創桐江書院構城隍廟建常平倉後以憂去五十八年弟景珏任建德令署桐篆憑士民請詳入名宦

陳萇字玉文吳江人進士善詩古文詞康熙四十年任初桐以屯長解米具文請免用一條鞭徵糧甦民困累開設義學仁威並濟以憂去

張坦熊字男祥漢陽人舉人康熙五十九年任首除新任陋規革坊長免各圖派米供官費罷門攤稅及一切雜派供應愛民禮士聽斷虛公嚴緝盜賊

嚴州府志

卷十三 遺愛

三

不惜重賞賑恤災黎捐柴煮粥多所全活又捐資修葺文廟義學暨城隍廟釣臺等處雍正癸卯甲辰兩校浙闈所拔皆知名士屢擢富新仁太邑篆所至有聲其除妖狐一事尤爲異績陞玉環同知士民愛戴于安樂山肖像祀之并于土下埠勒石建碑以志弗諼薦陞雲南按察使司

唐漸字大山玉田人雍正九年任清丈屯田豁免坍荒清查順莊經理有法設義學置義塚察除積梟人懷其威尋調錢塘令

錢人麟字鑄菴武進人由舉人乾隆六年任創設同

善會恤老施棺撫字有方九年調蕭山令

教諭

汪爲熹錢塘籍休甯人由歲貢康熙三十七年任重修儒學勸課有方更爲民浚義井以便汲引造渡船以濟行人事載桐江箋言後陞延陵知縣

訓導

胡允恭字伯欽湯溪人由歲貢康熙十五年任爲文古奧善吟咏寬和接物誠一處心嘉惠來茲循循善誘病卒扶輓之日士民號送者載道祀名宦

汪曾垣字掖蒼仁和人由例貢康熙十九年任修建

嚴州府志

卷十三 遺愛

三

學宮敦禮士習修舉廢墜瞻給貧寒美不勝載二十二年陞鄞縣知縣所著有繼學編桐溪課士約言等書

分水縣

知縣

張冲高平人舉人康熙二十七年任冲本山右名家志行高潔爲政不事煩苛分邑大害莫如里長現年先是張司馬攝篆雖經詳革猾吏陽奉陰違冲廉其狀痛治之令曰敢有言復糧里者立斃諸杖于是弊絕民安至今尸祝其功秩滿被召邑人爲

刻真廉錄紀實政焉

陸登選字又宣甌甯人舉人康熙四十七年由教諭任分水令甫下車會邑災奸民蠶起選收首事者治之衆皆歛戢隨捐俸賑恤爲士民勸絕不假手胥役雖憊極弗辭焉居官清慎恩威並行在任一載丁外艱去百姓爲之巷哭樹碑城隍廟側

向日升字方陽華陽人由舉人康熙五十二年任剛勁廉介以古名臣自勗下車數月邑遭水患多方賑濟民賴全活所有差役力請去之時上官凌鑠州縣恣意科索升兀不爲動嘗資篆乞休面陳猾

嚴州府志

卷十三

遺愛

三

蠹之害上素廉升清正論如律於潛民爭水漑田獄久不決日升聽斷兩造帖服於邑民立石以志至開義塾繕學宮弭盜賊鋤豪強皆卓卓可紀尋以艱去士民哭留弗得且有護喪百里而還者

胡杲武昌人貢生雍正二年任性質直有幹才先是分邑糧稅累歲莫償間有產絕賦存或賦倍而產不及半者催科滋擾公私病之杲立請釐正大爲民便學宮舊制未善改龍門甃石殿廡煥然尋調海甯尤著績云

王志甯海豐人由保舉雍正七年任操履端方苞苴

盡絕雅重斯文設學延師置田以資膏火諸生課
藝必手定甲乙一時造就皆成名士尋以終養歸
諸生繪雲山課士圖送之

教諭

王之綱象山人拔貢雍正四年任律已端嚴非公事
不見合長衡文一準先正理蘊多所發明卓然不

愧師範云

傅賡說蕭山人廩貢雍正十二年任秉鐸日久較課
最勤士之能文者並獎勵之以成其材當道聞而
加褒焉

嚴州府志

卷十三

遺愛

三

訓導

鄭元燿遂昌人歲貢雍正七年任外溫厚而中耿介
取與交游一無所苟卒于官生平酷嗜卷帙去之
日載書滿舟

張陸奇歸安人歲貢乾隆二年任品醕學遂爲時名
宿在官加意黌宮士之貧困者輒矜全之人思慕
焉

副將

周士元武昌人康熙五十二年任明敏強幹有儒將
風甫下馬卽懸銀牌以賞能捕賭者建五門兵馬

司以查奸究修葺城堞新旗幟利器械教水操秋
冬禁夜行宵小斂跡橋梁道路時加修砌且備救
火具倡建演武廳工未竣陞福甯州總兵官軍民
樹碑詹嗣祿記

